



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA SITA

Kikao cha Kumi na Moja – Tarehe 23 Mei, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. MASWALI:

**Ofisi ya Rais, Tawala za Mikoa, Serikali za Mitaa na Idara
Maalum za SMZ:**

70. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi (OR) Tawala za Mikoa, Serikali za Mitaa na Idara Maalum za SMZ:

Hivi karibuni Baraza la Manispaa limeanzisha utaratibu mzuri wa kudhibiti gari zinazoegeshwa maeneo yasiyoruhusiwa hasa maeneo ya Mji Mkongwe. Pamoja na utaratibu huo kuwa mzuri, kumekuwa na mapungufu katika utekelezaji wake kwa baadhi ya watendaji wa Baraza la Manispaa wanaohusika na shughuli hiyo kufanya vitendo vya kubagua gari gani za kuzichukulia hatua na zipi za kuziacha.

- (a) Baraza la Manispaa lipo tayari kufanya uchunguzi kubaini na kudhibiti vitendo kama hivyo vya ubaguzi.
- (b) Endapo dereva atakuwa na malalamiko dhidi ya hatua zisizostahiki za maafisa wa Manispaa, utaratibu gani atumie ili kuwasilisha malalamiko na kuchukuliwa hatua.
- (c) Baadhi ya maeneo yasiyoruhusiwa kuegesha yanakuwa hayana alama badala yake madereva wanapata usumbufu wa kufungwa gari zao, Baraza halioni umuhimu wa kuweka alama za maegesho na kama hazitawekwa wasichukuwe hatua kwa dereva kama ataegesha eneo lisilokuwa na alama.

Wizara ya Fedha na Mipango

29 MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Fedha na Mipango:

Serikali ya Mapinduzi ya Zanzibar inastahiki pongezi kugundua wizi au ubadhirifu kwa watendaji wake ambao umepelekea kusimamishwa kwa baadhi ya watendaji hao, lakini ni muda mrefu mno haijajulikana hatima yake, jambo linalopelekea usumbufu kwa watendaji hao kutoelewa kinachotendeka juu yao, hata baada ya Tume kuchunguza.

- (a) Je, nini hatma ya wafanyakazi hao ambao hadi sasa hawajielewi.
- (b) Ni makosa gani yaliyobainika katika uchunguzi huo.
- (c) Ni hasara ya kiasi gani Serikali imepata kutokana na ubadhirifu huo.

Waziri wa Biashara, Viwanda na Masoko

97. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Biashara, Viwanda na Masoko:

Taasisi ya Viwango Zanzibar inawakilishwa na kitengo cha ukaguzi kule Dubai na kitengo hicho kimekuwa kinafanya kazi za ukaguzi na kukusanya mapato ya kazi hiyo.

- (a) Je, tangu kitengo hicho kupewa mamlaka hayo ya kukusanya, kimekusanya kiasi gani cha mapato.
- (b) Je, ni utaratibu upi unafanyika Serikali kupatiwa mapato hayo.
- (c) Kwanini Kitengo hicho kinashikilia wafanyabiashara kulipia gharama za ukaguzi wakiwa Dubai badala ya Zanzibar kama wanapenda kufanya hivyo.

Wizara ya Habari, Utalii, Utamaduni na Michezo:

38. MHESHIMIWA SHAIBU SAID ALI (Jimbo la Chonga) - Atamuuliza Mheshimiwa Waziri wa Habari, Utalii, Utamaduni na Michezo:

Moja kati ya njia nzuri ya kuwaepusha vijana na mambo ya uvunjifu wa amani kama ulevi, wizi na uasharati ni kuwakusanya kupitia michezo. Na moja kati ya michezo hiyo ni mchezo wa mpira wa miguu. Lakini hivi sasa kumezuka wimbi kubwa la watu kuwanyang'anya vijana viwanja wanavyotumia wakidai ni ardhi zao walizozimiliki kwa njia yoyote ile.

- (a) Je, Serikali inatoa tamko gani kuhusu suala hili.
- (b) Je, kuna utaratibu gani wa kisheria unaowawezesha vijana hao kumiliki viwanja hivyo ili waweze kujiepusha na vitendo hivyo viovu.

Wizara ya Kilimo, Maliasili, Mifugo na Uvuvi:

20. MHESHIMIWA SAID OMAR SAID (Jimbo la Wingwi) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Ili kuendeleza sekta ya uvuvi, ni muhimu kuwa na meli itakayoweza kufika na kuvua bahari kuu.

Lini Serikali itanunua meli ya uvuvi hapa Zanzibar

Wizara ya Ujenzi, Mawasiliano na Usafirishaji:

63. MHESHIMIWA OMAR SEIF ABEID (Jimbo la Konde) - Atamuuliza Waziri wa Ujenzi, Mawasiliano na Usafirishaji:

Kwa kuwa Serikali imetumia fedha nyingi kwa ujenzi wa barabara ya kutoka Konde/Wete ambayo hata hivyo muda mfupi tu baada ya kukabidhiwa Serikalini imeshaanza kupasuka katika baadhi ya sehemu kunakosababishwa na kutumiwa na gari zenye uzito mkubwa kama inavyozungumzwa na wengi.

- (a) Je, mjenzi wa barabara ana muda gani wa utangulizi wa barabara hii ulio chini ya dhamana yake na kufanya matengenezo pale inapotokea maharibiko kama hayo kwenye barabara zetu.
- (b) Je, barabara zilizojengwa za Konde/Wete na Wete/Gando zinamudu kutumiwa kwa gari zenye uwezo wa kubeba tani ngapi za mizigo bila ya kuleta athari katika barabara hizo.
- (c) Je, Serikali ina mpango gani wa kudhibiti na gari kubwa zenye uzito zaidi ili kukinga maharibiko katika barabara hizo.

7. MHESHIMIWA OMAR SEIF ABEID (Jimbo la Konde)
- Atamuuliza Waziri wa Ujenzi, Mawasiliano na Usafirishaji:

Kwa kuwa kwenye programu ya matumizi ya ujenzi wa barabara 2015/2016 kwa matumizi ya fedha za ndani, Serikali ilikadiria kutumia jumla ya Tshs. 1,000,000,000/- kwa ujenzi wa barabara kongwe inayotoka Wete – Chake Chake yenye urefu wa kilomita 22.1. Na kwa kuwa barabara hiyo ni ya muda mrefu toka ilipojengwa na imekuwa mbovu kiasi ambacho ni usumbufu mkubwa kwa wakaazi wa Bahanasa, Piki, Ziwani, Mchanga wa Kwale na Mavungwa kwa sababu madereva wengi wa gari za abiria hawataki kupitisha gari zao kwa sababu ya ubovu wa barabara hiyo.

- (a) Je, ni kwa sababu gani hadi sasa Serikali imeshindwa kuanza matengenezo ya ujenzi wa barabara hiyo.
- (b) Je, kwa sasa gharama za ujenzi wa barabara hiyo zitalingana na zile zilizotengwa katika Bajeti ya mwaka 2015/2016.
- (c) Je, ni lini Serikali itaanza kuwalipa fidia wananchi ili kupisha ujenzi na kutoa muda kwa wananchi walio kandokando ya barabara kuhama kabla ya ujenzi kuanza.

II. HOJA ZA SERIKALI:

Waziri wa Kazi, Uwezeshaji, Wazee, Vijana, Wanawake na Watoto:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Wizara ya Kazi, Uwezeshaji, Wazee, Vijana, Wanawake na Watoto kwa Mwaka 2017/2018.

Zanzibar,
23 Mei, 2017.

(Raya Issa Msellem)
KATIBU WA BARAZA.